




**Euskaltelek itzultako eta
ekoiztutako eskuliburua**



Redmi 12C
Gida azkarra



|
USB ataka



Eskerrik asko Redmi 12C aukeratzeagatik

Luze sakatu pizteko botoia, gailua pizteko.

Jarraitu pantailan agertzen diren argibideei gailua konfiguratzeko. Informazio gehiago lortzeko, bisitatu gure webgune ofiziala: www.mi.com/global/service/userguide

MIUI

Redmi 12C gailuak MIUI du aurrez instalatuta, Androiden oinarritutako gure sistema eragile pertsonalizatua. Eguneraketak sarri egiten ditu, eta funtzio erabilerrazak ditu, munduko 200 milioi erabiltzaile aktibok baino gehiagok egindako iradokizunei esker. Informazio gehiago eskuratzeko, ikusi www.miui.com.

SIMari buruz:

Ez sartu SIM txartel ez-estandarrik SIM txartelentzako erretenean. Kalteak eragin ditzake SIM txartelentzako erretenean.

ABISUA: Ez desmuntatu gailu hau.

WEEE



Produktu hau modu seguruan botatzeko, neurri bereziak hartu behar dira. Ikur honek adierazten du, EBU, produktua ez dela bota behar etxeko ohiko hondakinekin.

Hondakinak kontrolik gabe botatzeagatik ingurumenari eta gizakien osasunari kalterik ez eragiteko. eta baliabide materialen berrerabilera jasagarria egiteko, arduraz birziklatu.

Gailua modu seguruan ezabatzeko, erabili bilketa- eta itzultze-sistemak edo jarri harremanetan produktua erosi zenion saltzailearekin.

Gure Ingurumen Deklarazioa ikusteko, sartu esteka honetan:

www.mi.com/en/about/environment

KONTUZ

BATERIA DESEGOKI BATEKIN ORDEZTUZ GERO, LEHERTZEKO ARRISKUA DAGO. ERABILITAKO BATERIAK BOTATZEKO, HARTU AINTZAT JARRAIBIDEAK.



Entzumenari kalterik ez egiteko, ez erabili gailua bolumen oso altuan denbora luzez.

Segurtasun-informazioa eta neurri osagarriak esteka honetan dituzu: www.mi.com/en/certification

Segurtasunari buruzko informazio garrantzitsua

Irakurri segurtasunari buruzko informazio guztia gailua erabiltzen hasi aurretik.

- Baimendu gabeko kableak, egokigailuak edo bateriak erabiliz gero, leherketak edo deskarga elektrikoak gerta daitezke, eta gailuari kalteak eragin edo hura arriskuan jarri.
- Gailu honen funtzionamendu-tenperatura 0 °C eta 40 °C bitartekoa da. Aipatutako tenperatura-tarte horretatik gora edo behera erabiltzen baduzu gailua, kalteak eragin diezazkiokezu.
- Zure gailuak bateria bat baldin badu, ez saiatu hura ordeztzen, kalterik ez eragiteko bateriari edo gailuari berari.
- Gailua kargatzeko, gailuarekin emandako edo baimendutako kablea eta egokigailua bakarrik erabili. Gailuarekin bateragarriak diren osagarri baimenduak bakarrik erabili.
- Kargatzen amaitu ondoren, deskonektatu egokigailua, bai gailutik eta bai korrante-hargunetik ere. Ez eduki gailua kargatzen 12 ordu baino gehiago.
- Birziklatu bateria, eta, botatzekotan, ez bota etxeko ohiko zaborrekin batera. Bateria behar bezala erabiltzen ez bada, sute bat edo leherketa bat gerta daiteke. Gailua, bateria eta osagaiak botatzeko edo birziklatzeko, jarraitu tokiko araudiei.
- Ez desmuntatu, ez kolpatu, ez zanpatu eta ez erre bateria. Bateria deformatuta edo kaltetuta badago, utzi berehala erabiltzeari.
 - Ez eragin zirkuitulaburrik baterian, ez dadin gehiegi berotu eta ez dezan erredurarik edo beste zauririk eragin.
 - Ez jarri bateria tenperatura altuko lekuetan.
 - Gehiegi berotuz gero, leherketaren bat gerta daiteke.
 - Ez desmuntatu, ez kolpatu eta ez zanpatu bateria, ez dadin jariatu bateriako likidoa, eta ez dadin gehiegi berotu edo lehertu.
 - Ez erre bateria, ez dadin gertatu suterik eta leherketarik.
- Erabiltzaileak ez du bateria kendu edo aldatu behar. Konponketa-zentro baimenduak bakarrik desmunta edo konpon dezake.
- Ez busti gailua.
- Ez saiatu gailua zure kontura konpontzen. Gailuaren piezetakoren bat ez baldin badabil behar bezala, jarri harremanetan MI-ren bezeroarentzako arreta-zerbitzuarekin, edo eraman gailua konponketa-zentro baimendu batera.
- Beste gailu batzuk konektatzeko, jarraitu haien eskuliburu-tako jarraibideei. Ez konektatu gailu honekin bateragarriak ez diren gailuak.
- CA/CC egokigailuek korrante-hartunetik hurbil egon behar dute, eta erraz iristeko modukoak izan.



Segurtasun-neurriak

- Errespetatu itzazu, egoera edo inguru espezifikoean, telefono mugikorren erabilera mugatzen duten lege edo arau aplikagarri guztiak.
- Ez erabili telefonoa leku eta egoera hauetan: atmosfera lehergarriak dauden lekuetan, leherketak gerta daitezkeen lekuetan, hala nola zerbitzuguneetan, itsasontzi-bizkarren

azpian, erregaiak edo produktu kimikoak lekualdatzeko edo gordetzeko instalazioetan edo aireak produktu kimikoak edo partikulak (aleak, hautsa edo hauts metalikoak) dituen lekuetan. Kasu egin haririk gabeko gailuak (hala nola zure telefonoa eta beste irrati-ekipo batzuk) deskonektatzeko dioten seinaleei. Itzali zure telefono mugikorra edo haririk gabeko gailua leherketa-eremu batean bazaude edo "bi noranzkoko irrati-aparatuak" edo "gailu elektronikokoak" itzaltzeko agindua ikusten baduzu, izan daitezkeen arriskuak saihesteko.

- Ez erabili gailua ebakuntza-geletan, larrialdiko geletan edo erietxeetako arreta intentsiboko unitateetan. Bete beti ospitaleetan eta osasun-zentroetan indarrean dauden arau guztiak. Gailu medikoren bat baduzu, kontsultatu zure medikuarekin eta gailuaren fabrikatzailearekin telefonoaren funtzionamenduak gailu medikoaren funtzionamendua eragotz dezakeen edo ez. Interferentziarik egin ez dezan taupada-markagailuarekin, utzi 15 cm-ko distantzia gutxienez telefono mugikorraren eta taupada-markagailuaren artean. Horretarako, taupada-markagailuaren kontrako aldeko belarrian erabili telefonoa, eta ez eraman bularraldeko poltsikoren batean. Ez erabili telefonoa audifonoetatik, kokleako inplanteetatik eta antzekoetatik gertu, ez dadin interferentziarik sor gailu medikoekin.
- Errespetatu aire-segurtasuneko arauak, eta itzali telefonoa hegazkinean, beharrezkoa denean.
- Ibilgailu bat gidatzen ari zarenean, erabili telefonoa indarrean dauden trafiko-legeak eta -arauak kontuan hartuta.
- Ekaitz elektrikoa denean, ez erabili telefonoa kanpoan, tximistak ez jotzeko.
- Telefonoa kargatzen ari baldin bada, ez erabili deiak egiteko.
- Ez erabili telefonoa oso leku hezeetan; esate baterako, bainugeletan. Erabiliz gero, deskarga elektrikoak, lesioak edo suteak gerta litezke, eta kalteak jasan ditzake kargagailuak.

Segurtasun-adierazpena

Zure telefonoaren sistema eragilea eguneratzeko, erabili sistema eguneratzeko funtzioa, edo zoaz gure saltoki baimendu batera, mesedez. Softwarea eguneratzeko beste bideren bat erabiltzen baduzu, besteak beste, gailua kaltetu egin daiteke, datuak gal ditzakezu eta segurtasun-arazoak izan.

Lege-informazioa

Gailu hau EBko estatu guztietan erabili daiteke.

Kontsultatu gailua erabiliko duzun tokiko arauak, tokikoak nahiz estatukoak. 5250 - 5350 MHz-eko maiztasun-mailan, eraikinen barruan bakarrik erabili daiteke gailua, herrialde hauetan: AT,BE,BG,HR,CY,CZ, DK,EE,FI,FR,DE,EL,HU,IE,IT,LV,LT,LU,MT,NL,PL,PT,RO,SK,SI,ES,SE,UK(NI),IS,LI,NO,CH,TR

2,4 GHz-eko bandaren mugak:

Norvegia: Azpiatal hau ez da aplikagarria Ny-Ålesundeko zentrotik 20 kilometrorainoko erradioaren barruko eremu geografikoan.

Ziurtatu korrante-egokigailuak IEC/EN 62368-1eko 6.4.5 klausulako baldintzak betetzen dituela, eta tokiko eta estatuko araudiaren arabera probatu eta onartu dela.

Erantzukizunen deskargua

Erabiltzailearen eskuliburu hau Xiaomik edo haren tokiko filialak argitaratu du. Xiaomik beharrezkoak diren hobekuntzak eta aldaketak egin ditzake Erabiltzailearen eskuliburu honetan, edozein unetan eta aurrez jakinarazi gabe, arrazoi hauengatik: akats tipografikoak, informazioaren zehaztasunik eza edo programen eta ekipoen hobekuntzak. Hala ere, aldaketa horiek eskuliburu honen hurrengo onlineko edizioetan sartuko dira (ikus xehetasun guztiak helbide honetan: www.mi.com/global/service/userguide). Irudi guztiak erreferentzia gisa erabiltzeko dira; baliteke esku artean duzun telefonoaren berdinak ez izatea.

Votre téléphone est garanti pendant 24 mois. Tout téléphone présentant des chocs visibles ou des traces d'oxydation ne sera pas pris en charge par la garantie. Toute autre panne nécessitant l'intervention d'un réparateur sera prise en charge par notre centre de réparation. Pour plus d'information, veuillez visiter notre site www.mi.com

Fabricant

#019, 9th Floor, Building 6, 33 Xi'erqi Middle Road, Haidian District, Beijing, China, 100085

Manufacturer's Authorized EU Representative

Name: Xiaomi Technology Netherlands B.V

Address: Prinses Beatrixlaan 582, 2595BM, The Hague, The Netherlands

Manufacturer: Xiaomi Communications Co., Ltd.

Manufacturer postal address:

#019, 9th Floor, Building 6, 33 Xi'erqi Middle Road,

Haidian District, Beijing, China, 100085

Brand: Redmi Model: 22126RN91Y

© Xiaomi Inc. All rights reserved.

